



五言古詩卷之十一

唐詩品彙十一

新寧高棟編

名家

上之三

李頎

殷璠云頎詩才調既清脩辭亦秀雜歌成善玄理最長惜其偉才只到黃綬然論其家數往往高於衆作

塞下曲

黃雲鴈門郡日暮風沙裏千騎黑貂裘皆稱羽林子
金笳吹朔雪鉄馬嘶雲水帳下飲蒲萄平生寸心是
宋少府東溪泛舟

登岸還入舟水禽驚笑語晚葉低衆色濕雲帶殘暑
落日乘醉歸溪流復幾許

粲公院各賦一物得初荷

微風和衆草大葉長圓陰晴露珠共合夕陽花映深
從來不着水清淨本因心

李兵曹壁畫山水各賦得桂水帆

片帆浮桂水落日天崖時飛鷓看共度閑雲相與遲
長波無曉夜泛泛欲何之

晚歸東園

出郭喜見山東行亦未遠夕陽帶歸鳥藹藹秋稼晚

樵者乘霽歌野夫及星飯請謝朱輪客垂竿不復返

寄鏡湖朱處士

澗霽晚流澗微風吹綠蘋鱗鱗遠峯見淡淡平湖春
芳草日堪把白雲心所親何時可爲樂夢裏東山人

送顧朝陽還吳

寂寞但不偶裹糧空入秦宦途已可識歸卧包山春
舊國指飛鳥滄波愁旅人開樽洛水上怨別柳花新

留別王盧二拾遺

此別不可道此心當報誰春風灞水上飲馬桃花時
設作好文士只令遊宦遲留書下朝客我有故山期

光上座廊下衆山

名岳在廡下吾師居一牀每聞楞伽徑只對清翠光
百谷聚雲色莓苔侵屋梁氣盤古壁轉勢引幽壑長
願遊薜葉下日見金爐香

題盧道士房

秋砧響落木共坐茅君家唯見兩童子林前汲井華
空壇靜白日神鼎飛丹砂塵尾拂霜草金鈴搖霽霞
上章人世隔看奕桐陰斜稽首問仙要黃精堪餌花

寄焦鍊使

得道凡百歲燒丹唯一身悠悠孤峯頂日見三花春

白鶴翠微裏黃精幽澗濱始知世上客不及山中人
仙境若在夢朝雲如可親何由覩顏色揮手謝風塵

送暨道士還玉清觀

仙官有名籍度世吳江濱太道本無我青春長與君
中洲俄已到至理得而聞明主降黃屋時人看白雲
空山何窈窕三秀日氛縕遂此留書客超遙煙駕分

賦二妃廟送裴侍御使桂陽

沅上秋草晚蒼蒼堯女祠無人見精鬼萬古寒猿悲
桂水身沒後椒漿神降時回雲迎赤豹驟雨颯文狸
受命出炎海焚香徵楚詞乘驄感遺跡一吊清川湄

送王昌齡

漕水東去遠送君多暮情淹留野寺出向背孤山明
前望數千里中無蒲稗生夕陽滿舟楫但愛微波清
舉酒林月上解衣沙鳥鳴夜來蓮花界夢裏金陵城
嘆息此離別悠悠江海行

題綦毋校書田居

常稱掛冠吏昨日歸滄洲行客暮帆遠主人庭樹秋
豈伊問天命但欲為山遊萬物我何有白雲空自幽
蕭條江海上日夕見丹丘生事本漁釣賞心隨去留
惜哉曠微月欲濟無輕舟倏忽令人老相思河水流

送崔侍御赴京

綠槐蔭長路駿馬垂青絲柱史謁承明翩翩將有期
千官大朝日奏事臨赤墀肅肅儀仗裏風生鷹隼姿
一從登甲科三拜皆憲司按俗又如此爲郎何大遲
送君暮春日花落城南隍惜別醉芳草前山芳夢思

漁父歌

白首何老人篔簹蔽其身避世長不仕釣魚清江濱
浦沙明濯足山月靜垂綸寓宿灘與瀨行歌秋復春
持橈湘岸竹藝火蘆洲薪綠水飯香稻青荷包紫鱗
於中還自樂所欲全吾真而笑獨醒者臨流多苦辛

登首陽山謁夷齊廟

古人已不見喬木竟誰過寂寞首陽山白雲空復多
蒼苔歸地骨皓首采薇歌畢命無怨色成仁其若何
我來入遺廟時候微清和落日弔山鬼回風吹女蘿
石門正西豁引領望黃河千里一飛鳥孤光東逝波
驅車層城路惆悵此岩阿

東京寄萬楚

漢落久無用隱身甘采薇仍聞薄宦者還事田家衣
潁水日夜流故人相見稀春山不可望黃鳥東南飛
濯足豈長往一樽聊可依了然潭上月適我曾中機

在昔同門友如今出處非優游白虎殿偃息青瑣闈
且有薦君表當看携手歸寄書不待面蘭茝空芳菲

臨川送張諲入蜀

出門便爲客惘然悲徒御四方維一身茫茫欲何去
經山復歷水百恨將千慮劔閣望梁州是君斷腸處
孤雲傷客心落日感君深夢裏蕪葭渚天邊橘柚林
蜀江流不測蜀路險難尋木有相思號猿多愁苦音
莫向愚山隱愚山地非近故鄉可歸來眼見芳菲盡

春送從叔遊襄陽

言別恨非一棄置我宗英向日五經可今爲千里行

裹糧顧庭草羸馬詰朝鳴斗酒對寒食雜花宜晚晴
春衣采洲路夜飲南陽城客夢岷山曉漁歌江水清
楚俗少相知遠遊難稱情同人應館穀刺史出郊迎
只合侍丹宸翻令辭上京時方春欲暮嘆息向流鶯

裴尹東溪別業

公才廊廟器官亞河南守別墅臨都門驚湍激前後
舊交與群從十日一携手幅巾望寒山長笑對高柳
清歡信可尚散吏亦何有岸雪青城陰水光遠林首
閑觀野人筏或飲川上酒幽雲淡徘徊白鷺飛左右
庭竹垂卧內村烟隔南阜始知物外情簪綬同芻狗

寄萬齊融

名高不擇仕委身隨虛舟小邑常欵屈故鄉行可遊
青楓半村戶香稻盈田疇爲政日清淨何人同海鷗
搔巾北林夕把菊東山秋對酒池雲滿向家湖水流
岸陰止鳴鵠山色映潛虬靡靡俗中理蕭蕭川上幽
昔年至吳郡常隱臨江樓我有一書札因之芳杜洲
無名上人東林禪居

草堂每多暇時謁山僧門所對但群木終朝無一言
我心愛流水此地臨清源吞吐山上日蔽虧松外村
孤峯隔身世百衲老寒暄禪戶積朝雪花龕來暮猿

唐詩十卷
五十一
碩余守耕稼十載隱田園蘿條尉春汲岩潭恣討論
淺雲豈知限至道莫探元且碩啓關鎖於焉微尚存
不調歸東川別業

寸祿言可取託身將見遺慙無匹夫志悔與名山辭
緩冕謝知己林園多後時葛巾方濯足蔬食但垂帷
十室對河岸漁樵祗在茲青郊香杜若白水映茅茨
書景徹雲樹夕陰澍古達渚花獨開晚田鶴靜飛遲
且復樂生事前賢爲我歸闌歌聊鼓楫永日望佳期

贈張旭

張公性嗜酒豁達無所營皓首窮草隸時稱太湖精

露頂據胡床長叫三五聲興來灑素壁揮筆如流星
下舍風蕭條寒草滿戶庭問家何所有生事但浮萍
左手持蟹螯右手執丹經瞪目視霄漢不知醉與醒
諸賓且方坐旭日臨東城荷葉裹江魚白甌貯香粳
微祿心不泄放神於八紘時人不識者即是安期生

贈別高三十五

五十無產業心輕百萬資屠酤亦與群不問君是誰
飲酒或垂釣狂歌兼詠詩焉知漢高士莫識越鴟夷
寄跡栖霞山蓬頭睢水湄忽然辟命下衆謂超丹墀
沐浴着賜衣西來馬行遲能令相府重且有函關期

電勉從寸祿舊遊梁宋時皤皤邑中叟相候鬢如絲
官舍柳林靜河梁杏葉滋摘芳雲景晏把手秋蟬悲
小縣情未愜折腰君莫辭吾觀聖人意不久召京師
謁張果先生

先生谷神者甲子焉能計自說軒轅師于今幾千歲
寓遊城郭裏浪迹希夷際應物雲無心逢時舟不繫
餐霞斷火粒野服蕪荷製白雪淨肌膚青松養身世
韶精殊豹隱鍊質同蟬蛻忽去不知誰偶來寧有契
二儀齊壽考六合同休憇彭聃猶嬰孩松期且微細
嘗聞穆天子更憶漢皇帝親屈萬乘尊將窮四海裔

車從徧草木錦帛招談說八駿空往還三山轉虧蔽
吾君感至德玄老欣來詣受錄金殿開清齋玉堂閉
笙歌迎拜首羽帳崇嚴衛禁柳垂香爐宮花拂仙袂
祈年寶祚廣致福蒼生惠何必待龍髯鼎成方取濟
與諸公遊濟瀆泛舟

濟水出王屋其源來不窮泮泉數眼沸平地流清通
皇帝崇祀典詔書示三公分官禱靈廟奠璧沉阿宮
神應每如荅松篁氣葱籠蒼螭送飛雨赤鯉噴回風
洒洒布瑤席吹簫下玉童玄冥掌陰事祝史告年豐
百谷趨潭底三光懸鏡中淺深露沙石蘋藻生虛空

晚景臨泛美亭臯輕靄紅晴山傍舟楫白鷺驚絲桐
我本家穎北出門見維嵩焉知松峯外有有天壇東
左手正接籬浩歌眄青穹夷猶傲清吏偃仰狎漁翁
對此川上閑非君誰與同霜凝遠村渚月淨蕪葭叢
茲境信難遇為歡殊未終淹留悵言別烟嶼夕微蒙

常建

殷璠云高才無貴士誠哉是言曩劉禎死於文學左思終記室鮑照卒於參軍令常建亦淪於一尉悲夫建詩似初發通莊却尋野逕百里之外方歸大道所以其旨遠其興僻佳句輒來唯論意表至於松際露微月清光猶為君又山光悅鳥性潭影空人心此例十數句並可稱警策○劉涇溪云常建詩情景沉冥不類著色

春詞二首

宛宛黃柳絲濛濛雜花垂日高紅粧卧倚樹春光遲

劉云素淡本分寧知傍淇水腰裊黃金羈

翳翳陌上桑南枝交北堂美人金梯出素手自提筐
非但畏蚕饑盈盈驕路傍

古意

牧馬古道傍道傍多古墓蕭條愁殺人蟬鳴白楊樹
迴頭望京邑合沓生塵霧富貴安可常歸來保貞素

塞上曲

翩翩雲中使來問太原卒百戰苦不歸刀頭怨秋月

塞雲隨陳落寒日傍城沒城下有寡妻哀哀哭枯骨

昭君墓

漢宮豈不死異域傷獨沒萬里馱黃金蛾眉為枯骨

劉云造意精巧迴車夜出塞立馬皆不發共恨丹青人墳上

哭明月劉云千古詞人之恨寫作當時事斷腸軟語不落脂粉故他作不及

弔王將軍墓

嫖姚北伐時深入強千里戰餘落日黃軍敗鼓聲死

劉云形容古所未至嘗聞漢飛將可奪單于壘今與山鬼隣殘

兵哭遼水殷天一篇盡善屬辭悲苦辭亦警絕番岳淮云能序悲怨未見如此章○劉云短絕

宿王昌齡隱居

清溪深不測隱處唯孤雲松際露微月清光猶為君

劉云景同意別茅亭宿花影藥院滋苔紋余亦謝時去西山

鸞鶴群

江上琴興

江上調玉琴一絃清一心泠泠七絃遍萬木激幽陰

能使江月白又令江水深始知枯桐技可以徵黃金

劉云等閑楚楚

送李十一尉臨溪

泠泠花下琴君唱渡江吟天際一帆影劉云語類高素預懸

離別心以言神仙尉因致瑤華音回軫撫商調越溪

澄碧林

劉云或

或則

送陸擢

聖代多才俊陸生何考槃南山高松樹不合空摧殘
九月湖上別北風秋雨寒殷勤漢孤鳳早食金琅玕

潭州留別

賢達不相識偶然交已深宿帆謁郡佐悵別依禪林
湘水流入海楚雲千里心望君杉松夜山月清猿吟

燕居

青苔常滿地流水復入林遠與市朝隔日聞鷄犬深
寥寥丘中賞渺渺湖上心笑傲轉無欲不知成陸沉

閑齋卧病行藥至山館稍次湖亭

旬時結陰霖簾外初白日齋沐清病容心魂畏虛室
閑梅照前戶明鏡悲舊質同袍四五人何不來問疾

又

行藥至石壁東風變萌芽主人山門綠小隱湖中花
時物堪獨往春帆宜別家辭君向滄海爛熳從天涯

晦日馬銜曲稍次中流作

夜寒宿芳葦曉色明西林初日在川上便澄遊子心
晴天無纖翳郊野浮春陰波靜隨釣魚舟小綠水深
出浦見千里曠然諧達尋扣舷應漁父因唱滄浪吟

送楚十少府

微風吹霜氣寒影明前除落日未能別蕭蕭林木虛
愁烟闕千里仙尉其何如因別鶴鶴操贈之雙鯉魚
鯉魚在金盤別鶴哀有餘心事則如此請君開素書
宿五度溪仙人得道處

五度溪上花生根依兩崖二月尋片雲願宿秦人家
上見懸崖崩下見白水湍仙人彈棋處石上青蘿磐
無處求玉童翳翳唯林巒前溪遇新月聊取玉琴彈

漁浦

春至百草綠陂澤聞鶻鷓別家投漁翁今世滄浪情

漚芡為緼袍折麻為長纓崇譽美本真怪人浮此生
碧水月自澗安流淨而平扁舟與天際獨往誰能名

古意

英靈集作
祖咏詩

楚王竟何去獨自留巫山徧使世人見迢迢江漢間
駐舟清谿裏皆願拜靈顏寤寐見神女金沙鳴佩環
閑艷絕世姿令人氣力微含笑竟不語化作朝雲飛

又

明月照高閣采女褰羅幕歌舞臨碧雲簫聲沸珠箔
青鸞臨南海天上雙白鶴萬里齊翼飛意求君門樂
玉霄九重閉金鎖夜不開兩翅自無力愁鳴雲外來

能深入

勢屈無良媒，俛仰顧中禁。東飛白玉臺，
客有自燕而歸，哀其老而贈之。

羸馬朝自燕，一身為二連。憶親拜孤塚，移葬雙陵前。
幽願從此畢，劔心因獲全。孟冬寒氣盛，撫轡告言旋。
碣石海北門，餘寇唯朝鮮。離離一寒騎，孑孑馱白天。
生別皆自取，況為士卒先。寸心漁陽興，落日旌竿懸。

張山人彈琴

君去芳草綠，西峯留玉琴。豈唯丘中賞，兼得清煩襟。
朝從山口還，出嶺聞清音。了然雲霞氣，照見天地心。
玄鶴下澄空，翩翩舞松林。改絃叩商聲，又聽飛龍吟。

稍覺此身妄，漸知仙事深。其將鍊金鼎，永矣投吾簪。

夢太白西峯

夢寐升九崖，杳靄逢元君。遺我太白岑，寥寥辭垢氛。
結宇在星漢，宴林閉氤氳。簷楹覆餘翠，巾舄生片雲。
時往清谿間，孤亭晝仍曛。松風引天影，石瀨清霞紋。
恬目緩舟趣，霽心投鳥群。春風又搖棹，潭島花紛紛。

湖中晚霽

湖廣舟自輕，江天欲澄霽。是時清絕望，氣色猶霾曠。
踟躕金霞白，波上日初麗。煙虹落鏡中，樹木生天際。
杳杳崖欲辨，濛濛雲復閉。言乘星漢明，又覩寰瀛勢。

微興從此愜悠然不知歲試歌滄浪清遂覺乾坤細
豈念客衣薄將期永投袂遲迴漁火間一鴈聲嘹唳

西山

一身為輕舟落日西山際常隨去帆影遠接長天勢
物象歸餘清林巒分夕麗亭亭碧流暗日入孤霞繼
洲渚遠陰映湖雲尚明霽林昏楚色來岸遠荆門閉
至夜轉清迥蕭蕭北風厲沙邊鴈鷺泊宿處蕪葭蔽
圓月逗前浦孤琴又搖曳冷然夜遂深白露沾人袂

第三峰

西山第三頂茆宇依雙松杳杳欲至天雲梯是幾重

瑩魂激玉虛以求鸞鶴蹤逶迤飛天人執節乘赤龍
傍映白日光縹渺輕霞容孤輝上煙霧餘影明心曾
頽與黃麒麟欲飛而莫從因寂清萬象輕雲自中峯
山暝學栖鳥月來隨暗蟲尋空靜餘響裊裊雲谿鍾
白龍窟泛舟寄天台學道者

夕翠映山深餘暉在龍窟扁舟滄浪意澹澹花影沒
西浮入天色南望對雲闕因憶莓苔峯初易濯玄髮
泉蘿兩幽映松鶴間清越碧海瑩子神玉膏澤人骨
忽然為枯木微興遂如兀應寂中有天明心外無物
環迴從所泛夜靜猶不歇浩然意無限身與波上月

張天師草堂

靈谿宴清宇傍倚枯松根花藥繞萬丈瀑泉飛至門
四氣閉炎熱兩崖改明昏夜深月漸皎亭午朝始暾
信是天人居幽幽寂無喧萬壑應鳴磬諸峯接一覓
遂登仙子谷因醉田中尊時節開玉書宵映飛天言
心化便無影目精焉累煩忽而上霄漢寥落空南軒
仙谷遇毛女意是秦宮人

谿口水石淺泠泠明藥叢入溪雙峯峻松栝梳幽風
垂嶺枝嫋嫋翳泉花濛濛縈緣霽人目路盡心彌通
盤石橫陽崖前臨殊未窮回潭清雲影泐漫長天空

水邊一神女千歲為玉童羽毛經漢代珠翠迷秦宮
劉云語只如此好目覩神已寓鶴飛言未終祈君青雲秘願
謁黃仙翁嘗以畊玉田龍鳴西頂中金梯與天接幾
日來相逢

鄂渚招王昌齡張儉

川蘆曠野中沙上飛黃雲天晦無精光芒茫悲遠君
楚山隔湘水湖畔落日曛春鴈又北飛音書固難聞
謫君未為嘆諛枉何由分五日逐蛟龍宜為吊冤文
翻覆古共然名宦安足云貧士任枯槁捕魚清江濱
有時荷犁鋤曠野自耕耘不然春山隱谿澗花氛氲

山鹿自有場賢達亦頽群二賢歸去來世人徒紛紛
白湖寺後谿宿雲門

落日山水清亂流鳴淙淙舊蒲雨抽節新花水對窓
谿中日已沒歸鳥多為雙杉松引直路出谷臨前湖
洲渚晚色靜又觀花與蒲入溪復登嶺草淺寒流速
圓月明高峯春山因獨宿松陰澍初夜曙色分遠目
日出城南隅青青媚川陸亂花覆東郭碧氣銷長林
四郊一清影千里歸寸心前瞻王程促却戀雲門深
畢景有餘興到家調玉琴

五言古詩卷之十一

唐詩品彙十一

五言古詩卷之十二

唐詩品彙十二

新寧高棟編

名家_{上之}

高適_四

殷璠云評事性落拓不拘小節恥與常科
隱跡博徒才名自遠然適詩文多習臆語
兼有氣骨故朝野通尚其文○唐史本傳
云適年五十始為詩即工每吟一篇好事
者輒傳布嚴滄浪云高岑
之詩悲壯讀之令人感慨

宋中_五

梁王昔全盛賓客復多才悠悠一千年陳跡唯高臺
寂寞向秋草悲風千里來

朝臨孟諸上忽見芒碭間赤帝終已矣白雲長不還
時清更何有禾黍徧空山

景公德何廣臨變莫能欺三請皆不忍妖星終自移
君心本如此天道豈無知

梁苑白日暮梁山秋草時君王不可見脩竹令人悲
九月桑葉盡寒風鳴樹枝

登高臨舊國懷古對窮秋落日鴻鴈度寒城砧杵愁
昔賢不復有行矣莫淹留

薊門三首

邊城十一月雨雲亂霏霏元戎號令嚴人馬亦輕肥

羌胡無盡日征戰幾時歸

幽州多騎射結髮重橫行一朝事將軍出入有聲名
紛紛獵秋草相向角弓鳴

黯黯長城外日沒更煙塵胡騎雖憑陵漢兵不顧身
古樹滿空塞黃雲愁殺人

東平路作

清曠涼夜月徘徊孤客舟渺然風波上獨夢前山秋
秋至復搖落空令行者愁

登隴

隴頭遠行客隴上分流水流水無盡期行人未云已

唐詩卷
淺才登一命孤劔通萬里豈不思故鄉從來感知已

鉅鹿贈李少府

李侯雖薄宦時譽何籍籍駿馬常借人黃金每留客
投壺華館靜縱酒涼風夕即此遇神仙吾忻知損益

送韓九

惆悵別離日徘徊岐路前歸人望獨樹匹馬聞秋蟬
常與天下士許君兄弟賢良時正可用行矣莫徒然

別耿都尉

四十能學劔時人無此心如何耿夫子感激授知音
翩翩白馬來二月青草深別易小千里興酣傾百金

別張少府

歸客留不住朝雲縱復橫馬頭何春草斗柄臨高城
嗟我久離別羨君看弟兄歸心更難道回首一傷情

自淇涉黃河途中作

川上常極目世情今已間去帆帶落日征路隨長山
親友若雲霄可望不可攀於茲任所愜浩蕩風波間

其二

清晨泛中流羽族滿汀渚黃鵠何處來昂藏寡儔侶
飛鳴無人見飲啄豈得所雲漢爾固知胡爲不輕舉

其三

野人頭盡白與我忽相訪手持青竹竿日暮淇水上
雖老美容色雖貧亦閑放釣魚三十年中心無所向

其四

南登滑臺上却望河淇間行樹夾流水孤城對遠山
念茲川路濶羨爾沙鷗閑長想別離處猶無音信還

其五

東入黃河水茫茫汎紆直北望太行山峨峨半天色
山河相映帶深淺未可測自昔有賢才相逢不相識

登子賤琴堂賦詩三首

并序

甲申歲適登子賤琴堂賦詩三首首章懷宓公之

德千祀不朽次章羨太守李公能嗣子賤之政再
造琴臺末章多邑宰崔公能思子賤之理

首章

宓子昔爲政鳴琴登此臺琴和人亦閑千載稱其才
臨眺忽悽愴人琴安在哉悠悠此天壤唯有頌聲來

次章

邦伯感遺事慨然建琴堂乃知靜者心千載猶相望
入室想其人出門何茫茫唯見白雲合東臨鄒魯鄉

末章

皤皤邑中老自誇邑中理何必升君堂然後知君美

開門無犬吠，早卧常晏起。昔人不忍欺，今我還復爾。

寄孟五

秋風落窮巷，離憂兼暮蟬。後時已如此，高興亦徒然。
知君念淹泊，憶我屢周旋。征路見來鴈，歸人悲遠天。
平生感千里，相望在貞賢。

登百丈峯

朝登百丈峯，遙望燕波道。漢壘青冥間，胡天白如掃。
憶昔霍將軍，連年北征討。匈奴終不滅，寒山徒草草。
唯有鴻鴈飛，令人傷懷抱。

晉武輕後事，惠皇終已昏。豺狼塞瀍洛，胡羯爭乾坤。
四海如鼎沸，五原徒旬尊。而今白庭路，猶對青陽門。
朝市不足問，君臣隨草根。

勣中作 一作送 兵選作

策馬自沙漠，長驅登塞垣。邊城何蕭條，白日黃雲昏。
一到征戰處，每愁胡虜翻。豈無安邊書，諸將已承恩。
惆悵孫吳事，歸來獨閉門。

酬司空璩

飄飄未得意，感激與誰論。昨日過夫子，乃欣吾道存。
江上滿詞賦，札翰起涼溫。吾見風雅作，人知德業尊。
驚飈蕩萬木，秋氣屯高原。燕趙何蒼茫，鴻鴈來翩翩。

此時與君別握手欲無言

同韓四薛三東亭翫月

遠遊悵不樂茲賞吾道存款曲故人意辛勤清夜言
東亭何寥寥佳境無朝昏堦墀近洲渚戶牖當郊原
矧乃窮周旋逢時怡討論樹陰蕩瑤瑟月氣延清樽
明月帶飛鴈野火連荒村對此更愁予悠哉懷故園

宋中遇劉書記有別

何代無秀士高門生此才森然覩毛髮若見河山來
幾載困常調一朝時運催白身謁明主待詔登雲臺
相逢梁宋間與我醉蒿萊寒楚渺千里雪天晝不開

末路終別離不能強悲哀男兒爭富貴勸爾莫遲迴

酬岑二十主簿秋夜見贈之作

舍下蛩亂鳴居然自蕭索緬懷高秋興忽枉清夜作
感物我心勞涼風驚二毛池空菡萏死月出梧桐高
如何異鄉縣復得交才彥汨沒嗟後時蹉跎耻相見
其山別來久魏闕誰不戀獨有江海心悠然未嘗倦

別王徹

歸客自南楚悵然思北臨蕭條秋風暮迴首江淮深
留連愁作歡或爲梁甫吟時輩想鵬舉他人嗟陸沉
載酒登平亭贈君千里心浮雲暗長路落日有歸禽

離別未足悲辛勤當自任吾知十年後季子多黃金
嚴滄浪云古人贈送多相勉之辭如蘇子卿云願君崇令德李少卿云努力崇明德劉公幹云勉哉脩令德杜子美君合登台輔臨危莫不身往往是此意如高逵夫吾知十年後季子多黃金蓋金多何足道又甚於以名期人者此達夫偶然漏逗處也

自淇涉黃河途中作

秋日登滑臺臺高秋已暮獨行既未愜懷土悵無趣
晉宋何蕭條羗胡散馳騫當時無戰略此地即邊戍
兵革徒自勤山河孰云固乘閑喜臨眺感物傷遊寓
惆悵落日前飄飄遠帆處北風吹萬里南鴈不知數
歸意方浩然雲沙更迴互

贈別沈四逸士

沈侯未可測 信浮沉十載常獨坐幾人知此心
乘舟蹈滄海買劍投黃金世務不足煩有田西山岑
我來遇知己遂得開清襟何意問閭閻沛然江海深
疾風掃秋樹濮上多鳴砧耿耿尊酒前聯鴈飛愁音
平生重離別感激對孤琴

連上別王秀才

飄飄經遠道客思滿窮秋浩蕩對長漣君行殊未休
崎嶇山海側想像無前儔何意照乘珠忽然欲暗投
東路方蕭條楚歌復悲愁暮帆使人感去鳥兼離憂

行矣當自愛壯年莫悠悠予亦從此辭異鄉難久留
贈言豈終極慎勿滯滄洲

同諸公登慈恩寺塔

香界泯群有浮圖豈諸相登臨駭孤高披拂忻大壯
言是羽翼生迥出虛空上頓疑身世別乃覺形神王
宮闕皆戶前山河盡蒼蒼向秋風昨夜至秦塞多清曠
千里何蒼蒼五陵鬱相望盛時慚阮步末宦知周防
輸効獨無因斯焉可遊放

同群公秋登琴臺

古跡使人感琴臺空寂寥
顧遺塵千載如昨朝

臨眺自茲始群賢又相邀德與形神高孰知天地遙
四時何倏忽六月鳴秋蜩萬象歸白帝平川橫赤霄
猶是對夏伏幾時有涼颺燕雀滿簷楹鴻鵠搏扶搖
物性各自得我心在漁樵兀然還復醉尚握樽中瓢

同群公出獵海上

畋獵自古昔况伊心賞俱偶與群公遊曠然出平蕪
層陰漲溟海殺氣窮幽都鷹隼何翩翩馳聚相傳呼
豺狼竄榛莽麋鹿罹艱虞高鳥下駢弓困獸鬪匹夫
塵驚大澤晦火燎深林枯失之有餘恨獲者無全軀
咄彼工拙問恨非指蹤徒猶懷老氏訓感嘆此歡娛

過冲和先生

冲和先何代或謂遊東溟三命謁金殿一言拜銀青
自云多方術往往通神靈萬乘親問道六宮無敢聽
昔去限霄漢今來覩儀形頭戴鶡鳥冠手搖白鶴翎
終日飲醇酒不醉復不醒猶憶鷄鳴山每誦西昇經
拊背念離別依然出戶庭莫見今如此曾為一客星
同薛司直諸公秋霽曲江俯見南山作

南山鬱初霽曲江湛不流若臨瑤池間想望崑崙丘
迴首見黛色渺然波上秋深沉俯崢嶸清淺延阻脩
連潭萬木影插岸千岩幽杳藹信難測淵淪無暗投

片雲對漁父獨鳥隨虛舟我心寄青霞世事慚白鷗
得意在乘興忘懷非外求良辰自多暇忻與數子遊
奉和儲光義

天靜終南高俯映江水明有若蓬萊下淺深見澄瀛
群峯縣中流石壁如瑤瓊漁龍隱蒼翠鳥獸游清泠
菰蒲林下秋薜荔波中輕山叢浴蘭止水若居雲屏
嵐氣浮渚宮孤光隨曜靈陰陰豫章館宛宛百花亭
大君及群臣燕樂方嚶鳴吾黨二三子茲辰怡性情
逍遙滄洲時迺在長安城

觀李九少府樹宓子賤神祠碑

吾友吏茲邑亦嘗懷安公安知夢寐間忽與精靈通
一見興永嘆再來激深衷賓從何逶迤二十四老翁
於焉見層碑突兀長林東作者無愧色行人感遺風
坐令高岸盡獨對秋山空片石勿謂輕斯言固難窮
龍盤色絲外鵲顧偃波中形勝駐群目堅貞指蒼穹
我非王仲宣去矣徒發蒙

哭單父梁九少府

洽

開篋淚沾臆見君前日書夜臺今寂寞猶是子雲居
疇昔貪靈竒登臨賦山水同舟南浦下望月西江裏
契闊多別離綢繆到生死九原即何處萬里皆如此

晉山徒峨峨斯人已冥冥常時祿且薄歿後家復貧
妻子在遠道弟兄無一人十上多苦辛一官常自哂
青雲將可致白日忽先盡唯有身後名空留無遠近

客中遇林慮楊十七山人因而有別

昔余涉漳水驅車行鄴西遙見林慮山蒼蒼戛天倪
邂逅逢爾曹說君彼岩栖蘿逕垂野蔓石房倚雲梯
秋韭何青青藥苗數百畦栗林隘谷口枯樹森迴谿
耕耘有山田紡績有山妻人生苟如此何必組與珪
誰謂遠相訪曩情殊不迷簷前舉醇醪竈下烹隻鷄
朔風忽振蕩昨夜寒蛩啼遊子益思歸罷琴傷解携

出門盡原野白日黯已低始驚道路難終念言笑睽
因聲謝岑壑歲暮一攀躋

睢陽酬別暢大判官

吾友遇知己策名逢聖朝高才擅白雪逸翰懷青霄
承詔選嘉兵慨然即馳輶清晝下公館尺書忽相邀
留歡惜別離畢景駐行鑣言及沙漠事益令胡馬驕
丈夫拔東蕃聲冠虜嫖姚兜鍪衝矢石鐵甲生風颭
諸將出井陘連營濟石橋酋豪盡俘馘子弟輸征徭
邊庭絕刀斗戰地成漁樵榆關夜不扃塞口長蕭蕭
降胡滿薊門一一能射鵰軍中多燕樂馬上何輕矯

我狄本無厭羈縻非一朝飢附誠足用飽飛安可招
季牧制儋監遺風豈寂寥君還謝幕府慎勿輕芻蕘

李雲南征蠻詩并序

天寶十一載有詔伐西南夷右相楊公兼節制之
寄乃奏前雲南太守李宓涉海自交趾擊之道路
險艱往復數萬里蓋百王所未通也十二載四月
至于長安君子是以知廟堂使能而李公効節適
忝斯人之舊因賦是詩

聖人赫斯怒詔伐西南戎肅穆廟堂上深沉節制雄
遂令感激士得建非常功料死不料敵顧恩寧顧終

鼓行天海外轉戰蠻夷中梯巘近高鳥穿林經毒虫
鬼門無歸客北戶多南風蜂蠆隔萬里雲雷隨九攻
長驅大浪破急擊群山空餉道忽已遠縣軍垂欲窮
精誠動白日憤薄連蒼穹野食掘田鼠脯餐蕪蕪僮
收兵列亭埃拓地彌西東臨事耻苟免履危能飭躬
將星獨照耀邊色何溟濛瀘水夜可涉交州今始通
歸來長安道名見甘泉宮庶蘭若未死孫吳知暗同
相逢論意氣慷慨謝深衷

岑參

唐杜子美常薦參於朝表云岑參識度清遠議論雅正佳名早上持葦所仰又詩云

岑生多新詩性亦嗜醇醪又云高岑殊緩
步沈鮑得同行蓋參與子美非薄交也其
詩實為少陵所稱許○殷璠云參詩語奇
體俊意亦造奇至如長風吹白茅野火燒
枯桑可謂逸才又山風吹空林颯颯如有
人宜稱幽致也○京兆杜確序畧云南陽
岑公早歲孤貧能自砥勵編覽吏籍尤工
綴文屬辭尚清用志尚切其有所得多入
佳境迥拔孤秀出於常情每一篇絕筆則
人人傳寫雖閭里士庶戎夷蠻貊莫不吟
習焉後之詞人有所觀覽亦由聆廣樂者
識清商之韻遊名山者仰翠微之色足以
瑩徹心府發
揮高致焉

司馬相如琴臺

相如琴臺古人去臺亦空臺上寒蕭瑟至今多悲風
荒臺漢時月色與舊時同

先主武侯廟

先主與武侯相逢雲雷際感通君臣分義激魚水契
遺廟空蕭然英靈貫千歲

昇仙橋

長橋題柱去猶是未達時及乘駟馬車却從橋上歸
名共東流水滔滔無盡期

古興

獨鶴唳江月孤帆凌楚雲秋風冷蕭瑟蘆荻花紛紛
忽思湘川老欲訪雲中君麒麟息悲鳴愁見豺虎群
送杜佐下第歸陸渾別業

正月今欲半陸渾花未開出關見青草春色正東來
夫子且歸去明時方愛才還須及秋賦莫即隱蒿萊
澧頭送將侯

精衛

君住澧水北我家澧水西兩村辨喬木五里聞鳴鷄
飲酒溪雨過彈碁山月低徒開將生徑尔去誰相携
精衛
負劍出北門乘桴適東溟一鳥海上飛云是帝女靈
玉顏溺水死精衛空為名怨積徒有志力微竟不成
西山木石盡巨壑何時平

鞏北秋興寄崔明允

白露披梧桐玄蟬晝夜號秋風萬里動日暮黃雲高
君子佐休明小人事蓬蒿所適在魚鳥焉能徇錐刀
孤舟向廣武一鳥歸成臯勝槩日相與思君心鬱陶

暮秋山行

疲馬卧長坂夕陽下通津山風吹空林颯颯如有人
蒼旻霽涼雨石路無飛塵千念集暮節萬籟悲蕭辰
鷓鴣昨夜鳴蕙草色已陳况在遠行客自然多苦辛

過緱山王處士黑石谷隱居

舊居緱山下偏識緱山雲處士久不還見雲如見君
別來逾十秋兵馬日紛紛青谿開戰場黑谷屯行軍

遂令巢由輩遠近麋鹿群獨有南澗水潺湲如昔聞

南池夜宿思王屋青蘿舊齋

池上卧煩暑不櫛復不巾有時清風來自謂羲皇人
天晴雲歸盡雨洗月色新公事常不閒道書日生塵
早年家王屋五別青蘿春安得還舊山東溪垂釣綸

宿華陰東郭客舍憶閻防

次舍山郭近解鞍鳴鍾時主人炊新粒行子充夜飢
關月生首陽照見華陰祠蒼茫秋山晦蕭瑟寒松悲
久從園廬別遂與朋知辭舊壑蘭杜晚歸軒今已遲

田假歸白閣草堂

雷聲傍太白雨在八九峯東望白閣雲半入紫閣松
勝槩紛滿目衡門趣彌濃幸有數畝田得延二仲蹤
早聞達士語偶與心相通悞徇一微官還山愧塵容
釣竿不復把野碓無人春惆悵飛鳥盡南溪聞夜鍾
終南雲際精舍尋法澄上人
不遇歸高冠
潭石淙望秦嶺微雨作貽友人

昨夜雲際宿旦從西峯回不見林中僧微雨潭上來
諸峯皆晴翠秦嶺獨不開石鼓有時鳴秦王安在哉
東南雲開處突兀獼猴臺崖口懸瀑流半空白皚皚
噴壁四時雨傍村終日雷北瞻長安道日夕多塵埃
若訪張仲蔚衡門滿蒿萊

大一石鰲崖口潭舊廬招王學士

驟雨鳴浙瀝颼颼溪谷寒碧潭千餘尺下見蛟龍蟠
石門吞衆流絕岸呀層巒幽趣倏萬變竒觀非一端
偶逐干祿徒十年皆小官抱板尋舊圃弊廬臨迅湍
君子滿清朝小人思掛冠釀酒漉松子引泉通竹竿
何必濯滄浪不能釣嚴灘此地可遺老勸君來考槃

送李翥遊江外

相識應十載見君只一官家貧祿尚薄霜降衣仍單
惆悵秋草死蕭條芳歲闌且尋滄洲路遙指吳雲端

疋馬關塞遠孤舟江海寬
夜眠楚煙濕曉飯湖山寒
砧淨紅膾落袖香朱橘圍帆前
見禹廟枕底聞嚴灘
便獲賞心趣豈歌行路難
青門須醉別少為解征鞍

登嘉州凌雲寺作

寺出飛鳥外青峯戴朱樓
搏壁躋半空喜得登上頭
始知宇宙濶下看三江流
天晴見峨眉如向波上浮
迥曠煙景豁陰森棕楠稠
頽割區中緣永從塵外遊
回風吹虎穴片雨當龍湫
僧房雲濛濛夏月寒飈颼
迴合俯近郭寥落見遠舟
勝槩無端倪天宮可淹留
一官詎足道欲去令人愁

與高適薛據同登慈恩寺浮圖

塔勢如湧出孤高聳天宮
登臨出世界磴道盤虛空
突兀壓神州崢嶸如鬼工
四角礙白日七層摩蒼穹
下窺指高鳥俯聽聞驚風
連山若波濤奔走似朝東
青松夾馳道宮觀何玲瓏
秋色從西來蒼然滿關中
五陵北原上萬古青濛濛
淨理了可悟勝因夙所宗
誓將掛冠去覺道資無窮

唐人倡和之詩多是感激各臻其妙如早

朝大明宮杜甫云旌旗日煖龍蛇動宮殿

風微燕雀高王維云九天閭闔開宮殿萬

國衣冠拜冕旒岑參云天花迎劍佩星初落
抑拂旌旗露未乾登慈恩寺塔詩杜甫云
高標跨蒼穹烈風無時休俯視但一氣焉

能辨皇州高適云秋風昨夜至秦塞多清
曠千里何茫茫五陵鬱相望岑參云秋色
從西來蒼然滿關中五陵北原上萬古青
濛濛此類甚多是皆雄渾悲壯足以凌跨

代百

終南雙峯草堂

歛跡歸山田息心謝時輩晝還草堂卧但見雙峯對
興來恣佳遊事愜符勝槩著書高窓下日夕見城內
曩為世人誤遂負平生愛久與林壑辭及來杉松大
偶茲精廬近數預名僧會有時逐漁樵盡日不冠帶
崖口上新月石門破蒼藹色向群木深光搖一潭碎
緬懷鄭生谷頗憶嚴子瀨勝事猶可追斯人邈千載

緱山西峯草堂作

結廬對中嶽青翠常在門遂耽水木興盡作漁樵言
頃來闕章句但欲閑心魂日色隱空谷蟬聲喧暮村
曩聞道士語偶見清淨源隱几閱吹葉乘秋眺歸根
獨遊念求仲開徑招王孫片雨下南澗孤峯出東原
栖遲慮益淡脫畧道彌敦野藹晴拂枕客帆遙入軒
尚平今何在此意誰與論佇立雲去盡蒼蒼月開園

自潘陵尖還少室居止秋夕憑眺

草堂近少室夜靜聞風松月出潘陵尖照見十六峯
九月山葉赤溪雲淡秋容火點伊陽村煙深嵩角鐘

尚子不可見，蔣生難再逢。勝懷只自知，佳趣爲誰濃。
昨詣山僧期，上到天壇東。向下望雷雨，雲間見回龍。
又與人群踈，轉愛丘壑中。心淡水木會，興幽魚鳥通。
稀微了自適，出處乃不同。况本無宦情，誓將依道風。

青山峽口泊舟懷狄侍御

峽口秋水壯沙邊，且停橈奔濤振石壁。峰勢如動搖，
九月蘆花新。彌令客心焦，誰念在江鳥。故人滿天朝，
無處豁心胃。憂來醉能消，往來巴山道。三見秋草凋，
狄生新相知。才調凌雲霄，賦詩析造化。入幙生風飈，
把筆判甲兵。戰士不敢驕，皆云梁公後。遇鼎還能調。

一別倏徑時，音塵殊寂寥。何當見夫子，不嘆鄉關遙。

東歸發捷爲至汎溪舟中作

前日解侯印，泛舟歸山東。平旦發捷爲，逍遙信回風。
七月江水大，滄波漲秋空。復有峨眉僧，誦經在舟中。
夜泊防虎豹，朝行逼魚龍。一道鳴迅湍，兩邊走連峯。
猿拂岸花落，鳥啼岩樹重。煙藹吳楚連，沂沿湖海通。
憶昨在西掖，復曾入南宮。日出朝聖人，端笏陪群公。
不意今棄置，何由豁心胃。吾當海上去，且學乘槎翁。

送王大昌齡赴江寧

對酒寂不語，悵然悲送君。明時未得用，白首徒攻文。

澤國從一官滄波幾千里群公滿天關獨去過淮水
舊家富春渚嘗憶卧江樓自聞君欲行頻望南徐州
窮巷獨閉門寒鐙靜深屋北風吹微雪抱被肯同宿
君行到京口正是桃華時舟中饒孤興湖上多新詩
潜虬且深蟠黃鶴飛未晚惜君青雲器努力加飡飯
送許拾遺恩歸江寧拜親

詔書下青鎖駟馬還吳洲束帛仍賜衣恩波漲滄流
微祿將及親回家非遠遊看君五斗米不謝萬戶侯
適出西掖垣如到南徐州歸心望海日鄉夢登江樓
大江盤金陵諸山橫石頭楓樹隱茅屋橋林繫漁舟
種藥疏故畦釣魚垂舊釣對月京口夕觀濤海門秋
天子怜諫官論事不肯休早來丹墀下高駕無淹留

送祁樂歸河東

祁樂後來秀挺身出河東往年詣驪山獻賦溫泉宮
天子不召見揮鞭遂從戎前月還長安囊中金已空
有時忽乘輿畫出江上峯床頭蒼梧雲簾下天台松
忽如高堂上颯颯生清風五月火雲屯氣燒天地紅
鳥且不敢飛子行如轉蓬少華與首陽隔河勢爭雄
新月河上出清光滿關中置酒灞亭別高歌披心膂
君到故山時爲吾謝老翁

秋夕聽羅山人彈三峽流泉

皤皤岷山老抱琴髮蒼然衫袖拂玉徽為彈三峽泉
此曲彈未半高堂如空山石林何颼颼忽在窓戶間
繞指弄嗚咽青絲激潺湲演漾然楚雲虛徐韻秋煙
疑兼陽臺雨似雜巫山猿幽引鬼神聽淨令耳目便
楚客腸欲斷湘妃淚班班誰栽青桐枝絙以朱絲絃
能含古人曲遞與今人傳知音難再逢惜君方老年
曲終月已落惆悵東齋眠

號州郡齋南池幽興因與闕二侍御道別

池色淨天碧水涼雨淒淒快風從東來荷葉翻向西
性本愛魚鳥未能返岩谿中歲徇微官遂令心賞睽
及茲佐山郡不異尋幽栖小吏趨竹徑訟庭侵藥畦
胡塵暗河洛二陝震鼓鼙故人佐戎軒逸翮凌雲霓
行軍在函谷兩度聞鶯啼相看紅旗下飲酒白日低
聞君欲朝天駟馬臨道嘶仰望浮與沉忽如雲與泥
夜眠驛樓月曉發關城鷄惆悵西郊暮鄉書對君題

北庭貽宗學士道別

萬事不可料嘆君在軍中讀書破萬卷何事來從戎
曾逐李輕車西征出太蒙荷戈月窟外擐甲崑崙東
兩度皆破胡朝廷輕戰功十年抵一命萬里如飄蓬

容鬢老胡塵衣裘脆邊風忽來輪臺下相見披心胃
飲酒對春草彈棋聞夜鍾今且還龜茲臂上懸角弓
平沙向旅館匹馬隨飛鴻孤城倚大磧海氣迎邊空
四月猶自寒天山雪濛濛君有賢主將何謂泣途窮
時來整六翮一舉凌蒼穹

送顏平原

時有詔補尚書為郡守上親賦
詩寵餞加等奏美顏公是行為

寵別
章句

天子念黎庶詔書撫諸侯仙郎授剖符華省輟分憂
置酒會前殿賜錢若山丘天章降三光聖澤該九州
吾兄鎮河朔拜命宣皇猷駟馬辭國門一星東北流

夏雲照銀印暑雨隨行輶赤筆仍在篋爐香惹衣裘
此地隣東溟孤城弔滄洲海風掣金戟導吏呼鳴騶
郊原北連燕剽劫風未休魚鹽隘里巷桑柘盈田疇
為郡豈淹旬政成應未秋易俗去猛虎化人似馴鷗
蒼生已望君黃霸寧久留

送張祕書克劉相公通汴河判官便赴江

外覲省

前年見君時見君正泥蟠去年見君處見君已風搏
朝趨赤墀前高視青雲端新登麒麟閣適脫獬豸冠
劉公領舟楫汴水揚波瀾萬里江海通九州天地寬

昨夜動使星今日送征鞍老親在吳郡令弟雙同官
鱸膾剩堪憶尊羹殊可飡既參幕中畫復展膝下歡
因送故人行試歌行路難何處路最難最難在長安
長安多權貴珂佩聲珊珊儒生直如弦權貴不須干
斗酒取一醉孤琴為君彈臨岐欲有贈持以幄中蘭

五言古詩卷之十二

唐詩品彙十二

